



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАР

2016 жылғы 28 қазан

ҚР Ұлттық Банкінің өкілдері журналистерге БЖЗҚ-ның зейнетақы активтерін инвестициялаудың тәсілдері туралы айтып берді

БЖЗҚ-ның зейнетақы активтерін инвестициялау тәсілдерінің негізгі аспектілері бүгін ҚР Ұлттық Банкі БАҚ өкілдері үшін ұйымдастырған дөңгелек үстел барысында талқыланды.



Зейнетақы активтерін басқару мәселелері жөніндегі презентациямен ҚРҰБ Монетарлық операциялар департаменті Зейнетақы активтері басқармасының бастығы Нұржан Тұрсынханов сөз сөйледі. Ол «Зейнетақымен қамсыздандыру туралы заңға сәйкес ағымдағы жылдың басынан бері зейнетақы активтерін инвестициялау бағыттарын Мемлекет басшысы басқаратын Ұлттық қорды басқару жөніндегі кеңес (бұдан әрі – Кеңес) айқындайтынын еске түсірді. Олар қаржы құралдарына ғана инвестицияланады, қаржы құралдарының тізбесін Кеңес мақұлдап, Қазақстан Республикасының Үкіметі бекіткен».

Ол сондай-ақ зейнетақы активтерінің көлемі 2016 жылғы 1 қазандағы жағдай бойынша 6 503 млрд. теңге болғанын айтты, сонымен бірге олардың құрылымы туралы негізгі мәліметтермен бөлісті. Мемлекеттік бағалы қағаздарға инвестициялау үлесі 45,2%-ды, банк секторына – 30,4 %-ды, квазимемлекеттік сектордың бағалы қағаздарына инвестициялау үлесі 13,8%-ды құрады.

Нұржан Тұрсынханов 2016 жылғы 9 айдың қорытындысы бойынша зейнетақы активтерінің БЖЗҚ салымшыларының шоттарына бөлінген кірістілігі 7,3%-ды құрағанын,

осы кезеңде инфляцияның деңгейі 5,6% мөлшерінде болғанын атап өтті. «Осылайша, зейнетақы активтерінің нақты кірістілігі 1,7%-ды құрады», - деп түсіндірді ол. Мәселен, 2015 жылдың қорытындысы бойынша зейнетақы активтерінің кірістілігі 15,65%-ды құрады, инфляцияның деңгейі 13,6% мөлшерінде болды.

Ұлттық Банктің өкілі сондай-ақ презентация барысында зейнетақы активтерін инвестициялаудың негізгі бағыттары туралы айтты. Мәселен, инвестициялау бағыттарының ішінде 2016 жылы 350 млрд. теңге Қазақстан Республикасының мемлекеттік бағалы қағаздарын сатып алуға, 500 млрд. теңгеге дейін шетелдік қаржы нарықтарында инвестициялау үшін шетел валютасын сатып алуға бөлінді. Сондай-ақ 200 млрд. теңге шағын және орта кәсіпкерлік субъектілерін қаржыландыру үшін екінші деңгейдегі банктердің негізделген қаржы құралдарына орналастыруға; 400 млрд. теңге Қазақстан экономикасының нақты секторының басым жобаларын қаржыландыру үшін квазимемлекеттік сектор субъектілерінің негізделген борыштық бағалы қағаздарын сатып алуға бөлінді.

Ұлттық Банктің өкілі зейнетақы активтерін инвестициялау нарықтық пайыздық мөлшерлемелер бойынша қайтару негізінде жүзеге асырылатындығын атап өтті. Оған қоса, Ұлттық Банктің өкілі зейнетақы активтерін басқару қағидаттарын бұдан әрі дамыту бағыттарын айтып берді. «Зейнетақы активтерін сенімгерлік басқарушы ретінде Ұлттық Банк активтердің валюталық үлесін ұлғайту, активтерді индекстік басқаруды енгізу жолымен портфельдің валюталық бөлігін стратегиялық бөлуді өзгерту жолымен зейнетақы активтерінің портфелін бұдан былай әртараптандыру бойынша жұмысты жалғастыруға ниет білдіріп отыр», - деп қорытындылады ол.

Презентациядан соң қаржы реттеушісінің өкілдері журналистердің сұрақтарына жауап берді.



Бұл іс-шараны ҚР Ұлттық Банкі жұртшылықпен және нарықпен белсенді қарым-қатынасты нығайту үшін ашық және ақпараттық қолжетімділік саясаты шеңберінде жүргізіп отырғандығын атап өткен жөн. Ағымдағы жылы ҚРҰБ журналистермен бірқатар кездесулер өткізді, олардың барысында Ұлттық Банк қызметінің негізгі бағыттары туралы айтып берді.

Қосымша ақпаратты мына телефондар бойынша алуға болады:

+7 (727) 2704 585

e-mail: press@nationalbank.kz

www.nationalbank.kz